

հիմնադրման շրջանում գրված մի կոչում հայ ժողովրդին ազատության համար պայքարի ճանապարհ էր մատնացույց արվում, ազգն արյամբ փրկելու պատգամ տրվում նրան¹¹։

Ժանյարմական վարչության կողմից 1875 թ. հայտնաբերված ու ջախջախված այս ընկերությունների գործունեությունն ուղղված էր սուլթանական ու ցարական բռնակալությունների դեմ։ Այդ նույն շրջանում հակապետական գործունեության մեջ էր մեղադրվում նաև այբքսանդրապոլցի Ալեքսանդր Հովակիմյանը, որը հայրենասիրական բանաստեղծություններ էր արտասանում և տարածում, «հանցավոր» գրույցներ կազմակերպում համաքաղաքացիների շրջանում¹²։

1876 թ. Գր. Արծրունին կոչ էր անում արևմտահայերին, բալկանյան ժողովուրդների օրինակով, ապստամբել թուրքական լծի դեմ¹³։

Հանգելով ապստամբելու և Ռուսաստանի օգնությամբ ազատագրվելու զաղափարին Արծրունին գտնում էր, որ դրանով հայ ժողովուրդը կփրկվի ֆիզիկական ոչնչացումից։

Արևմտահայերն իրենք էլ հանգես էին գալիս թուրքական տիրապետությունից ազատագրվելու ծրագրերով և կաթողիկոսին հղած խնդրագրերում հորդորում նրան զբաղվել իրենց վիճակի բարելավման հարցով Կ. Պոլսից չորս հազար անձանց ստորագրությամբ ուղարկված այդ նամակներից մեկում նրանք հուսաբեկ գրում էին, որ հակառակ զեպքում ստիպված կլինեն պետության անտանելի լուծը թոթափել «...հեղամբ արյամբ մերոյ»¹⁴։

2. ԱԶԳԱՅԻՆ-ԱԶԱՏԱԳՐԱԿԱՆ ՇԱՐԺՈՒՄՆԵՐԻ ՎԵՐԵԼՔԸ 1877—1878 ԹԹ. ՌՈՒՍ-ԹՈՒՐԳԱԿԱՆ ՊԱՏԵՐԱԶՄԻՑ ԶԵՏՈ

1877—1878 թթ. ռուս-թուրքական պատերազմը և Հայկական հարցի արծարծումը Սան-Ստեֆանոյի ու Բեռլինի պայմանագրերում չափազանց կարևոր նշանակություն ունեցան արևմտահայ ազգային-ազատագրական շարժման համար։ Հայ ժողովրդի արևմտյան հատվածի թուրքական բռնակալական լծից ազատագրման հույսն առավել ցայտուն կերպարանք ստացավ և մղեց նրան իր փրկության համար սեփական ուժերով պայքարելու ուղի։ Գարեդին Սրվանձադյանցն այդ օրերին գրում էր. «Ստաբեն պետք չէ բան հուսալ, ջանանք մենք զմեզ հոգալ, պատրաստվիլ ու ցույց տալ ազգաց, թե մենք ալ ազգ մի ենք...»¹⁵։ Ժողովուրդը արձագանքում էր ազատագրական պայքարի կոչին։ Պանդուխտները Կ. Պոլսից և այլ վայրերից վերադառնալով, իրենց հետ, հարազատներին որպես նվեր, զենք էին տանում միայն¹⁶։

Առաջին ըմբոստացողները եղան զեյթունցիները։ Տակավին 1877—1878 թթ. ռուս-թուրքական պատերազմի օրերին ապստամբ լեռնականներն արդեն կազմել էին Զեյթունն ազատագրելու իրն կետից կազմված մի ծրագիր։ Այն կենսագործելու համար նրանց պատվիրակությունը մեկնեց Կարին

11 Տե՛ս Վ. Ա. Պարսամյան, Հայ ժողովրդի պատմություն, հ. 3, Երևան, 1967, էջ 312—313։

12 ՍՍՄԿ ԿԳՊԱ, ֆ. 1405, ց. 521, գ. 396, թ. 82—86։

13 Տե՛ս «Մշակ», 1878, № 28։

14 Մաշտոցի անվան Մատենադարան, Կաթողիկոսական գիվան, թ. 228, վավ. 23։

15 «Մասիս», 1879, № 2224։

16 Տե՛ս Հ. Խլկյան, Առաջին կայծերը, 1930, էջ 83։

և օգնություն խնդրեց ռուսական բանակից, հատկապես իրենց զինք տրամադրելու հարցը դնելով գններով և ազարակի առջև:

Պատերազմից հետո սկսված արտագաղթի հախուռն օրերին, դարձյալ Զեյթուն էր, որ եզակի բացառությամբ, շտաբինց գաղթի համատարածով և նրանց որդիներն, իրենց թաղապետ-իշխանների ղեկավարությամբ, Տավրոսի լեռնակածանների վրա երևացին պանդուխտի ցուպի փոխարեն հրացան բռնած: Նորից որոտաց Սարգիս եպիսկոպոս Կիլիկյանի հրապարակներն օժած թմբուկի զորահավար ազգաբարոզ ձայնը, որը զեյթունցիների համար հրեշտում էր որպես ազատագրական պայքարի սրբազան կոչ¹⁷:

Վերստին ապստամբության դրոշ պարզած զեյթունցիների երիտասարդ ու անխոնջ առաջնորդ Նորաշխարհյան (Նեխտունյան) Պապիկ իշխանը, օգնություն խնդրելու համար ռուսական բանակ մեկնած պատվիրակներին սպասելով, իր փոքրաթիվ աշխարհազորայիններով ամրացել էր Պերզնկա լեռան քարանձավում: Զեյթունից շատ հեռու գտնվող ռուսական բանակների վրա հույս զենիլը գործնական չէր: Հերոս լեռնականներին մնում էր սեփական ուժերով 1878 թ. երբ ծավալվեց Զեյթունի նոր ապստամբությունը, զեյթունցիներից դաշինք առաջարկող Ահմեդ բեկի առաջնորդությամբ սկսվեց նաև Կոնստանդնուպոլիս լեռնաբնակ թուրքերի ըմբոստությունը կառավարության դեմ: Նույն թվականի սեպտեմբերին Ահմեդ բեկի զորքերին պարտության մատնած թուրքական զորախմբերը հոկտեմբերին արդեն արշավեցին Զեյթունի վրա, հանդիպելով Պապիկ իշխանի և նրա համախոհների կազմակերպած դիմադրությանը: Սակայն ապստամբներին օգնության շտապող Ավագկալ գյուղի դպրոցի տնօրեն Հարություն Չազրյանի (Չուլազ վարժապետ) և Յուրուկի վանահայր Նիկողայոս եպիսկոպոսի ղեկավարած վաշտերը մատնություն մոլորակն ընկան և անհավասար մարտում պարտության կրելով, նահանջեցին, իսկ ղեկավարները գերի ընկան: Բայց զեյթունցի քաջամարտիկները չընկճվեցին: Ուստի ռուս-թուրքական պատերազմից հետո ռազմական հոգսերից ձեռքազատված սուլթանական կառավարությունը որոշեց անհապաղ զբաղվել Զեյթունի հարցով: Նա դիմեց ապստամբներին ընկճելու խաբեության իր փորձված միջոցին: Բարենորոգումներ կատարելու անվան տակ Զեյթուն ժամանեց մի հանձնաժողով, և Գ. Զոհրապի բնորոշմամբ, իր պաշտած միակ աստվածը բռնապետությունը դարձրած թուրքական բարձրաստիճան հայ պաշտոնյա Հ. Նուրյանի ու Սաի Մկրտիչ կաթողիկոսի մասնակցությամբ: Հանձնաժողովը զեյթունցիներից հավաքեց հազարից ավելի հրացան: Ապա համոզեց նրանց շարգելել Զեյթունում նախատեսված կառավարական գիւնանոցի շինությունը: Դրա փոխարեն զեյթունցիները հարկային ու քաղաքացիական աննշան առանձնաշնորհումներ ստացան միայն: Կիլիկյաի ազատագրական շարժման ականավոր գործիչ Գր. Աբարդյանը, որ հանգես եկավ կառավարության քաղաքականության դեմ, արտրվեց Կ. Պոլիս:

Թուրքական կառավարության կողմից անարգոտ խաբված ապստամբ լեռնականները զենքը վար գրին՝ կրկին վերցնելու համար: Զեյթունի քաղաքագլուխ Պապիկ իշխանի երկու հարյուրյակը 1884 թ. նորից ամրացել էր անմատչելի լեռներում ու վերստին դարձել ապստամբության ոգին: Նույն

17 ՏՊՊ Գ. Տեղիկ, Զեյթուն, հ. Բ, Փարիզ, 1946, էջ 64:

օրերին թուրքական զորքերի դեմ հերոսաբար մարտնչում էին Զեյթունի ու շրջակա գյուղերի ապստամբ լեռնականները՝ զեյթունցի նշանավոր հայդուկ Փանոս Քեշիշյանի ղեկավարությամբ։ Այս խումբն էր, որ մի քանի տարի անց նորից հանդես եկավ հարստահարվող հայ գյուղացիների պաշտպանությամբ և վերսկսեց զինված պայքարը կառավարական զորքերի դեմ¹⁸։

Կառավարությունը բոլոր միջոցներով փորձում էր կանխել շարժման հետագա ծավալումը։ Զեյթունի տասը կենտրոններում, Բ. Դռան ցուցումով՝ կազմակերպված հրդեհները մոխիր դարձրին հայ աշխատավոր ժողովրդի ողջ ունեցվածքը։

Զեյթունի ապստամբությանն ուշացումով արձագանքեցին Վասպուրականում, Սասունում, Ալաշկերտում։ Արևմտյան Հայաստանի այս շրջաններում, հատկապես 1880 թ., զինված ելույթները հաջորդում էին միմյանց։ Վանում սովյալ բնակչությունը փորձեց գրավել կառավարական շտեմարանների ցորենը։

Այդ օրերին Արևմտյան Հայաստանում կատարված հարստահարությունների ու բռնությունների մասին տեղեկագրերը այլևս Բ. Դռանը ներկայացնելու փոխարեն, պատրիարքարանի կողմից շրջաբերականներով ուղարկվում էին Թուրքիայի օտարերկրյա ղեկավաններին։ Իսկ արևմտահայ ժողովրդի ազատագրման համար գործնական ծրագրերով հանդես էին գալիս տեղերում ստեղծված ազատագրական խմբակները։ Սրանց ծնունդն ու զործունեությունն արդյունք էին և ուղիղ համեմատական ռեակցիայի մոայլ ու ռազմաշունչ այն հարձակմանը, որ մոլեգնեց սկսած հատկապես 1879—1880 թվականներին։

1880 թ. օգոստոսի 30-ի հրամանով Բ. Դռան կողմից արգելվեց «Հայաստան» անվան օգտագործումը պաշտոնական գրություններում։ 1881 թ. մարտի 7-ին Կարինի ռուսական հյուպատոսը ղեկուցում էր Վարդան Մամիկոնյանի և «Մայր Հայաստան» նկարների ոչնչացման, ամենուրեք ժողովների բռնի ուժով խափանման, հալկական դպրոցներում հայոց պատմության դասավանդման արգելման և Բ. Դռան հայահալած քաղաքականության այլ գրսեորումների մասին¹⁹։ Կ. Պոլսում գրավաճառ Գ. Գավաֆյանը բանտ նետվեց միայն նրա համար, որ վաճառել էր Լևոն Զ-ի գերեզմանի նկարը։ Բռնադատվում և ալրվում էին բոլոր այն գրքերը, որոնցում Հայաստան անունն էր հանդիպում «Մշակի» հետ միասին արգելվեցին նաև «Փորձի» և Ռմիզու Հայաստանի»-ն 1881 թ. հայկական օրացույցի մուտքը Թուրքիա։ Դեռ 1879 թ. Կ. Պոլսում արգելվեցին հայերեն ներկայացումները։ Սահմանվեց մամուլի և առավել ևս գրականության խիստ գրախնդություն²⁰։ Խստություններ սկսվեցին հայկական դպրոցների նկատմամբ։ Դավառական դատախազների քմահաճույքով փոխվում էին դպրոցական ծրագրերը, ամենաանմեղ գրքերը բռնազրավվում ու նետվում խարույկների մեջ։ 1881 թ. ապրիլին Վանի նահանգապետի հրամանով արգելվեցին դպրոցներում կազմակերպվող հրապարակային դասախոսությունները²¹։

18 Տե՛ս Է. Մ. Պոդոլյան, Զեյթունի պատմություն, Երևան, 1969, էջ 308—309։

19 Տե՛ս ՌԱՔԱ, ֆ. Քաղաքիիվ, 1881/1884 թթ., գ. 1625, ք. 2—3։

20 Տե՛ս նույն տեղում։

21 Տե՛ս «Մշակ», 1881, № 74։

Հայկական նահանգները բնակեցվում էին Թուրքիայի եվրոպական մասից ու Կովկասից գաղթեցված մահմեդականներով, Երկրում տեղական հայ պաշտոնյաներին փոխարինում էին թուրք շինովներին²²։ 1881 թ. ապրիլին պաշտոնից ետ կանչվեց Վանի փոխնահանգապետ Մկրտիչ Աղաթոնը։ Փոստային բաժանմունքներում ու մաքսատներում ստուգումներն այնքան էին խստացել, որ փորձեցին հսկողություն սահմանել օտարերկրյա, հատկապես ռուսական հյուպատոսների ստացած գաղտնի գրությունների վրա։ Նրանց կասկածում էին հայերի համար գաղտնի զենք ստանալու մեջ, դաշնամուրն անգամ հրանոթի տեղ ընդդռնելով²³։ Առիթներ էին որոնվում բռնություններն ու ձեռքարկություններն ավելացնելու Թուրքական ֆեեների փոխարեն մշեցոց արախյանների ցուցադրական երևալը²⁴։ Պլսում որակվեց որպես ցույց կառավարության դեմ։

1880 թ. հունվարին անհիմն մեղադրանքով բանտ նետվեցին «Թեմաշու-մանը էֆբյար» («Մտքերի թարգման») խմբագիր Տ. Ժիվելեկյանը և արտոնատեր Ա. Սարգսյանը, որոնք իշխանությունների կողմից կասկածվում էին հեղափոխական ինչ-որ կոմիտեի պատկանելու և հայերին զենքի կոչելու մեջ։ 1883 թ. օգոստոսին արգելվեց «Մեմնուայի հավատիսը» («Մաղկաբաղ լուրերի»), որը հանգես էր գալիս Թուրքական իրականության արատավոր երեվելովների քննադատությամբ։ 1882 թ. հոկտեմբերի 21-ին զավադրաբար սպանվեց Մ. Նալբանդյանի համախոհներից մեկը՝ ղոկտոր Հովհաննես Քյաթիսյանը։ Հետագայում խորհրդավոր հանգամանքներում իրենց մահկանացուն կնքեցին Զեյթունի հուլակավոր հերոս Պապիկ իշխանը, նշանավոր բժիշկ Տիգրան Փեշտիմալճյանը, Խորեն քաղաքիսկոպոս Գալֆայանը, Հակոբ Գաղազյանը և ուրիշներ։ Գ. Զոհրապը հետագայում խոսելով Թուրքական բռնությունների մասին, ամենասարսափելին համարում էր այն, որ զրանք առաջին հերթին ուղղված էին հայ ժողովրդի «մտքի ու սրտի դեմ»²⁵։

Հայ ժողովրդի արևելյան հատվածը նույնպես ենթարկվում էր ազգային էնշման։ Սակայն ակնհայտ էր հայության երկու հատվածների միջև եղած տնտեսական ու քաղաքական կացության շոշափելի տարբերությունը։ Արևելյան հայ ժողովրդի վիճակն անհամեմատ քարենպաստ էր Թուրքիայի ֆեոդալական, բարբարոսական իրավակարգում հոգեկան ու ֆիզիկական ոչնչացման սպառնալիքի առջև կանգնած արևմտահայության համեմատ։

Սակայն հայ ժողովրդի ազգային ազատագրության գաղափարը խորթ էր նաև ցարական կառավարությանը, Անդրկովկասում ցարիզմի գաղութային քաղաքականությունն առավել ցայտուն դրսևորվեց 1881 թ. ապրիլյան մահիֆեստի հրապարակումից հետո, երբ սկսեց իշխել ռեակցիոնիստ Կ. Պ. Պոբեդոնոսցևի վարած քաղաքական գիծը։ Ընդհանուր ճնշման ուժեղացման հետ մեկտեղ, սաստկացան և հալածանքներն ու սահմանափակումները ալլազգիների նկատմամբ²⁶։

Ցարիզմն արհեստականորեն խոչընդոտում էր Անդրկովկասի ժողովուրդների մտավոր առաջընթացը։ 1884 թ. ուսուցիչ Ս. Ե. Համբարձումյանի դիմումին՝ արտոնել իրեն Թիֆլիսում հրատարակելու «Զրույց» անունով շա-

²² ՏԼ՝ս ԲԱՔԱ, ֆ. Քաղաքիսի, 1881/1884, գ. 1625, թ. 31։

²³ Գ. Զոհրապ, Երկրի ժողովածու, հ. 1, Երևան, 1962, էջ VI։

²⁴ ՏԼ՝ս Մ. Н. Гернет, История царской тюрьмы, т. 3, М., 1961, стр. 391—392։

բաթաթերթ, պատասխանում են, որ Կովկասի քաղաքական վարչության ղեկավարությունը նպատակաճարմար չի գտնում թույլատրել իրեն վստահված երկրամասում հայերեն լեզվով պարբերական մամուլի զարգացումը²⁵:

Ճարական պաշտոնյաները փորձում էին թշնամանք սերմանել կովկասյան ժողովուրդների միջև: 1885 թ. փակվեցին Կովկասի հայկական դպրոցները:

1883 թ. նոյեմբերի 24-ին Ռուսաստանի հաղորդակցության մինիստրը կառավարությանը հայտնում էր իր այն ձեռնարկումների մասին, որոնք ուղղված էին հաղորդակցության քնազավառում աշխատող հայ պաշտոնյաներին հայաբնակ վայրերում ունեցած պաշտոններից ազատելուն և այլ շերտաններ տեղափոխելուն: Այդ ուղղությամբ միջոցառումներ էին ձեռնարկվում նաև մյուս զերատեսչությունների գծով²⁶:

Ճարական կառավարությունը թշնամական դիրք զրավեց նաև արևմտաուսյների ազատագրման նկատմամբ:

1883 թ. մայիսի 17-ին Մոսկվա՝ Մելքոն Փանյանին գրած նամակում Բաֆֆին գանգատվում էր, որ Եկառավարության տրամադրությունները Հայկական հարցի վերաբերմամբ այժմ ինչպես երևում է փոխվել է²⁷: Իսկ Եկայածիր» երկրորդ հատորի հրատարակության առիթով Բաֆֆոն արդեն մեղադրում էին հեղափոխություն քարոզելու մեջ, թեպետ այն ուղղված էր ոչ թե Ռուսաստանի, այլ Թուրքիայի դեմ: Գր. Արծրունին նույնպես դժգոհում էր, թե նախկինում գրաքննիչը՝ ինքը գալիս հորդորում էր խիստ հոգավածներ տպագրել Արևմտյան Հայաստանի վիճակի մասին, իսկ այժմ արգելում են գրել²⁸:

Ահա այս իրադրության մեջ, ուժեղացող ռեակցիային դիմադիր բարձրանում ու ծավալվում էր արևմտահայ ազգային-ազատագրական շարժումը:

3. ԱԶԱՏԱԳՐԱԿԱՆ-ՀԱՅՐԵՆԱՍԻՐԱԿԱՆ ԽՄԲԱԿՆԵՐՆ ՈՒ ԿԱԶՄԱԿԵՐՊՈՒԹՅՈՒՆՆԵՐԸ

Ռուս-թուրքական պատերազմից ու Բեռլինի կոնգրեսից հետո վերելք ապրող հայ ազատագրական շարժումը լայն թափ հաղորդեց Կ. Պոլսում և Թուրքիայի այլ քաղաքներում գործող և նորաստեղծ հայկական բարեգործական ընկերությունների աշխատանքներին:

1880 թ. հունիսի 1-ին Կ. Պոլսի Արարատյան, Դպրոցասիրաց-Արևելյան և Կիլիկյան հայկական բարեգործական ընկերությունները միավորվեցին «Միացյալ ընկերությունը հայոց» անունով:

Կ. Պոլսի ժամանած նոր սերնդի լիբերալ ներկայացուցիչները՝ Մ. Զեբազը Լոնդոնից, Մ. Փորթուզյանը՝ Վանից և Գր. Նիկողոսյանը՝ Թիֆլիսից, այլ գործիչների հետ միասին մտորում էին արևմտահայության ազատագրման ծրագրերը: Սակայն ազատագրական շարժման խթանող ուժը զավառն էր, որտեղ ծնունդ էր առնում և հուժկու թափ ստանում աշխատավոր զանգ-

25 Տե՛ս ՍՍՀՄ ԿՊՊԱ, ֆ. 776, ց. 12, գ. 49, 1883, ք. 8:

26 Տե՛ս նույն տեղում, ֆ. 229, գ. 1136 թ. 3—10:

27 Բաֆֆի, Երկրի ժողովածու, հ. 10, Երևան, 1964, էջ 572, 592

28 Տե՛ս «Գործ», № 3, մասն Բ, Բաթու, 1917, էջ 98: